

斗南吟草  
利



04856

斗南吟草卷三

大興

自題借桐山館

此道光乙巳六月  
時寓皖城姚家莊

其作也

書館藏  
齋坐棠

夕陽飛不過嘉樹借鄰西一院綠于染隔牆紅欲迷  
琴張風露下詩待鳳皇題自是秋聲館予懷渺渺兮

藕琴女植花草四種索予題詩

丙午  
桂秋

雞冠

一朵紅于染英雄占九秋要知花有德風雨不低頭

斗南吟草

卷三

一

老年

一名雁  
來紅

的是草中仙還丹老少年每逢賓雁到一色傲霜妍

鳳仙

一名好女兒花宋光  
宗李后諱鳳因名

鳳子飛來否仙人種去耶可憐宋宮裏喚作女兒花


秋海棠

一名斷  
腸花

低枝微著雨小樣試紅粧似有懷人意秋深柱斷腸

丙午八月十六日送陶琢之北上

東風吹雨北風晴秋滿江城送客行月姊有情應不



寐到團圓處要分明

丙午秋日感懷

籬菊花黃楓葉丹  
惱人風雨倍增寒  
謀生自苦逢迎拙  
薄宦誰知去住難  
有限年華愁日暮  
無聊家計困江干  
賓秋怕聽嗷嗷雁  
底事南來路宵漫

仍用前韻答琢之

莫向春風羨牡丹  
君家有菊傲霜寒  
窮通似覺循環易  
富貴還愁悠久難  
月到缺圓知朔望  
天將寒暑問

斗南吟草

卷三

二

支干迷津自有舟  
來渡休說前頭路  
淼漫

答宇眉前韻

養鶴無非愛頂丹  
藏犀未必避心寒  
多情宋玉愁偏劇  
善渴相如病亦難  
天下由來傳趙璧  
人間何處淬吳干  
黃花開盡仍風雨  
衣冷秋江醉夜漫

和周宇眉觀菊

周盈名色好何必羨陶家  
簾捲花同瘦籬編竹自斜  
晚登相君子高隱傲烟霞  
以此稱爲壽金精歲月賒

九月十八雨中宿陶五家

逍遙一榻倚窗前  
城裏人來城外眠  
點滴不堪逢夜雨  
蕭疏何況是秋天  
嫦娥有意窺愁客  
蝴蝶無心入夢仙  
隱約隔江蘆葦岸  
聲聲時喚渡頭船

門臨大江

題黃溢店壁

門外溪山山下田  
溪邊繫箇打魚船  
店家自嘗泥頭酒  
煮酒烹魚不要錢

枝枝新柳難爲綠  
點點春花無賴紅  
花柳可憐憐過

斗南吟草

卷三

三

客故將紅綠試東風

磚橋題壁

一官潦倒走天涯  
問水尋山到處家  
不料奇寒衣換酒  
自嘗辛苦藥煎茶  
東風綠遍沿江草  
夜雨紅蘇野店花  
三十七年磨去墨  
半留壁上笑塗鴉

題青陽徐儀舖壁上

我自南徐來  
捷取田方村名路峻嶺插白雲石齒稜稜  
露鞭馬馬不行一步高一  
步泉聲響隔林篔尋不知

處危梁架厓凹懸空飛瀑布青天霹靂雷風撼蛟龍  
怒絕頂摩殘碑名以上孤著行行入深篁十里輕陰

護郵館

南陵公館駟

置山中小憩有清趣出門指黃荆

地名黃荆場

石堰何盤固曲曲蕎麥灣厯厯青陽樹登樓望九華

五溪橋頭有翠華亭可望九華山

禮佛人無數各攜朝山燈去來復

來去五溪水亦奇倒灌徐儀舖

俗名中針舖

野店豔春花天

台欣所遇脫粟非胡麻未必紅顏注莫作乞漿人錯

認藍橋姆安知靖節公不為桃源誤色色是空空妙

斗南吟草

卷三

四

明自禪悟方寸即西天瓣香心一炷履險且如夷虎

豹奚足思况彼狐魅為骷髏出邱墓

道光丙午七月朔日贈陳夢樓

鳳祥

窮途誰復與周旋舊雨欣逢十二年共証此心如白

水死生無了弟兄緣

宦况

丙午秋後

十二年來累此官江南江北忍饑寒米賒升斗求人

苦衣典襦衫見客難誰信步兵窮阮籍不逢令尹老

袁安無聊且作空空計何處叢林許挂單

陶琢之瑩以前作窮愁太甚再述苦衷

清白吾家世代官守貧原不礙孤寒英雄慷慨知心  
少兒女嬌癡撒手難萬古不平愁蜀道一坏未卜瘖

長安

先人見背十一年浮屠未葬

稻梁滿地謀生拙明月蘆花雁

影單

題亳州周傑墨牡丹小幅

丁未夏間

韉歐姚魏也花王一例爭開富貴場畢境羣芳誰管

斗南吟草

卷三

五

領龍賓虎僕費商量

五河客舍小憩

小屋空明別有天榴花槐葉兩嫣然啼鶯何事催人  
去一枕清風午未眠

喚渡宿浮山靈巖寺

黑石碑記前明嘉靖四年勅賜靈巖禮部尚書席書

左侍郎劉龍右侍郎翟鑿對同李夢陽

漁舟渡我浮山麓指點靈巖有臥龍說是前朝曾禱

雨碑陰松柏密雲封

蘇軾 肝胎道上

幾間茅屋近湖山，鷄犬桑麻相對閒。此是布衣真樂境，勞人何日故鄉還。

莫店夜月

丙午是夕  
有望月詩

好月重逢又一年，清輝不減尙團圓。客中無酒難成醉，顧影三人我自憐。

新舖候晴

雷送西山雨，行程半日留。擔天席地睡，羈客仰天愁。

斗南吟草

卷三

六

忽報虹垂井，旋看月上樓。分秧人共語，水未足田疇。  
久晴無雨  
農望甚般

抵全椒

雨足廿三四，秧田一色青。天恩來不測，官禱久無靈。  
水急礮門響，雲歸洞口停。過山人到晚，燈火點星。

金神墩

茅店曉風吹早稻，茶棚涼月換新松。歸來不取山前路，舟買金神看大龍。

和王小裴見贈元韻

丁未秋後  
服闋來皖

一月聚復聚相逢喚奈何愁懷難擺脫豪興漸消磨  
世亂功名易家貧兒女多烽煙飛海上安樂不成窩  
降不佳詩魔詎諧忤世多閒緣何目了定數奈天何  
欲拾留侯履須慚力士鞞知君有奇略虎穴自提戈

李佩留以詩見示

經道

風木悲涼泪未乾放懷詩酒哭江干悟來病後愁翻  
去樂在貧中老亦難欲把歸心寄楊柳無多交誼種

斗南吟草

卷三

七

芝蘭天時人事緣何據雨後晴明煖後寒

寄休甯二尹范嵩如

鎮中

新葺山館寄書索詩

壺裏冰心鏡裏顏頗黎國小足寬閒餐霞飲露招明  
月誰識神仙駐此間

風塵回首十三年不爲游山客履穿雲海幾時同把  
玩重聯詩酒弟兄緣

題謝穉真詩集

清臣

陽夫明府家子

黃崗父子兩詩人同宦江南誼更親一樣圍棋君勝



我東山不老謝家春

贈薛瀛士

未必江湖盡有魚長竿坐釣任空虛萬緣遲早皆前

定位置憑天莫上書

集句題龐鳳山

薄宦走風塵杜甫琴書外是貧方艱難隨老母杜甫披豁

對吾真杜甫上國搜賢急裴說潘輿送喜頻杜甫蘭陔行可

采劉禹錫甫試覓姓龐人杜甫

斗南吟草 卷三 八

題來雲亭 欽 獨立圖二十四韻

渾敦生大荒伊誰與之伍乾坤此一人獨居而獨處

於萬億斯年並無同日語混茫初開時如是亦孤苦

蕭山來少仙吾鄉之簪組同官大江南談笑傾肺腑

所愛惟友生雅不擇龔瞽或與文士文或與武士武

有時弄管絃有時樂鐘虞憐才重此心一投無不取

終日相追隨幾不辨爾汝爰繪獨立圖手持金蘭簿

檢點平生交磊磊不勝數若者為鬚眉若者為心膂

若者爲江湖若者爲雲雨若者爲夔龍若者爲龜虎

若者爲漆膠若者爲規矩英雄入彀中所在皆良輔

譬如無女媧破天不能補譬如無吳剛缺月不能斧

仙鶴立雞羣軒軒自高舉幽蘭生棘叢馥馥自含吐

涵容寡是非鎮靜毋慢侮俯仰天地寬卓哉師盤古

將之建德留別倚桐軒主人丁未九月廿九日

何緣老屋賃吾家十日生兒喜自誇丙午陽月二日移寓十四日生

子富歲暮又添新冢婦一堂蕭鼓賀天花嘉平十日爲長子承

斗南吟草 卷三 九

照完嫺適三四兒六女同出天花

今年鄭氏弟兄來一泮同遊兩秀才鄭甥福申福照來省院試予留

寓所同入頻宮鄭桐城人也莫笑向人誇宅相龍門恰好應桐材

桐上龍門二字予去冬所刻

解纜維揚遇順風春間予有揚州之役布帆無恙大江東歸來

游徧淮西路夏間于役頓滁泗各郡縣往返三千餘里捧檄今看到永豐

署建德縣 永豐分司 最難得是主人賢房主一載僑居不算錢臨公可憐

書帶草青青對我意纏絲

和張白也太守棉花七律八首原韻

冰雪難消萬古魂  
歷經寒暑尙留痕  
暖回天下心先  
熱冷到人間氣  
自溫羯鼓不聞催  
上苑布衣幾見重  
朱門月明滿地蘆  
汀白莫誤娑羅認  
此村  
獨傍瑤臺伴素娥  
不隨桃李鬪春和  
翻江亂搗清如  
練  
曬日分披薄似羅  
肯受小裁勞  
燕剪欲求大用待  
龍梭功成足副蒼  
生望來暮須聽五  
袴歌

斗南吟草

卷三

十

誰家舊業溯王郎  
賸得家傳在此箱  
青眼幸邀非柳  
佞白頭休說是  
桃娘春深塞北  
征人雪秋老江  
南御  
史霜莫以元和  
作柔輦藏針試  
看墨池旁  
生性溫存本不  
嬌但招讌賞也  
輕佻纏綿未免  
多情  
緒疏放何曾任  
意飄欲架晴空  
幻虹彩偶來海  
市織  
鮫綉紡磚燈火  
淒風雨爲伴書  
聲坐夜銷  
此是瓊林第幾  
枝一團和氣好  
于絲孤寒有淚  
愁難  
徧普濟從心願  
未遲白疊何年  
名吉貝丹誠向  
日笑

私葵窮冬到處行方便智慧如君識者誰

荆布原來絕俗紛孟光不重綺羅裙機聲軋軋蛩吟  
月籬落遙遙犬吠雲自分無香麝玉露那堪著色借  
紅暉輕浮未解精麤理付與吹彈一任君

不因人熱始綢繆譜入羣芳自拔尤圖繪至今無畫  
史品題從古少詩流擷緜漬酒收金液取子燃燈勝  
石油聞說長安天亦雨何須估客下南陔

不招蜂蝶不招涼繡黻文章錦繡香慈母長牽遊子

斗南吟草

卷三

七

線天孫慣織衆仙裳綈袍范叔交千古大被姜肱樂  
一牀卻笑楊花太無用春來飛上釣魚航

又 爲韓爾棟改作

西風搖落最消魂非絮非花絕點痕麤貝翻成精豔  
煖三時種作一冬溫寒江蘆管吹漁艇客路楊絲繞  
玉門莫謂輕浮無體用年年歲歲遍烟村

纏緜一味托羲娥到處爭傳土脈和製亦何難同蜀  
錦賜原不易讓宮羅陽春白雪伊誰和永夜青燈自

抱梭四海蒼生共衣被譜翻挾纈有新歌

本色書生白面郎傳家事業在青箱出遊須記牽衣  
母作嫁何勞壓綫孃紗縠千連雲外雪冰毬萬點月  
如霜近來經緯無人識一任飄零落道旁

卻是溫存不是嬌是真和厚不輕佻偏能壓雪三分  
白豈肯因風一夜飄梁代舊傳爲虎帳高昌曾記說  
龍綃如今落拓窮簷裏容易春光冷又消

無數瓊花千萬枝家家績紡勝吳絲獨憐草木依人

斗南吟草

卷三

七

苦不畏風霜愛爾遲弱質漫云同絮柳熱心久已類  
傾葵未聞羯鼓催秋後開遍天涯賞者誰

朔風吹動雪紛紛塞上寒生護戰裙自是豐年溫似  
玉果然高義厚于雲客來南國逢朝霽人買西郊踏  
暮曛卻喜歡聲歌白紵布衣無處不思君

未經雨雪卽綢繆采采盈筐絕怨尤聲價原憑冬日  
貴溫柔自在好風流裙拖白練誰題墨釵脫金闈不  
染油寄語五陵紈袴客一絲一縷種遐陬

萬家人暖正天涼一笑羣芳枉自香好與桑麻同普  
被縱多珠玉不成裳秋風桃實垂千顆明月梅花疊  
一牀應是天公憐世苦故傳佳種作慈航

建德道上口占

十月十六

蝶夢蟹寒十月霜裝棉時怯薄衣裳入山忽訝青青  
樹猶有蟬聲噪夕陽

自笑

自笑來何處無端十日居夢蕉空獲鹿緣木且求魚

斗南吟草

卷三

三

地僻民風古山深歲月虛一家江水外歸夢蝶蘧蘧

和夏爾康

錫

棉花韻

未到秋深不肯開此花原爲避寒來貴羞珠翠非眞  
品富益陶朱是美材胎脫青箱温似玉心纏紅炬火  
難灰經綸出自機樞手撥亂欣逢濟世才

啄木

紅冠花衣時來啄蠹不嚶嚶其鳴而丁丁伐

木鳥乎鳥乎何自苦耳

埋頭何事苦丁丁，蠹害難除死又生。爲語孤禽休息好，如今誰作不平鳴。

至節早朝遇雨恭紀二十八字

子月望日

萬山初動五更鐘，燈火家家看賀冬。不敢朝衫私雨露，羣黎普被

聖恩濃

余生日感懷

卅八年前此日生，迷離舊夢記東瀛。事多聚散緣難

斗南吟草

卷三

十四

定人到飢寒，累轉輕詩境。入山求句險，宦途得路幾。時平又看梅，柳將舒放。一幅春愁畫欲成。

聖恩咏窗外臥梅

高蓋兮翠柏，擎直節兮筠竹。生梅何獨臥兮不與同，盟先百花而開兮春莫與爭倚。南窗以寄傲兮胡爲不平，怪何遜無好咏兮盜袁安之虛名。抑仙子之不遇兮，托美人以遣情。惜深淺兮水不清，縱橫斜兮影不明。起兮起兮，前有野鶴之來迎。

冬至後十一日見高梅已放白花高梅在石臺之南得春氣

最早花  
瓣極瘦

數點點花疑是雪不知春已到梅稍怪來風動破窗  
紙一縷寒香透骨銷

嘉平朔日作

雲凍風僵雨亦凝鱗池水漸成冰炊爐自煖牀頭  
酒雪望尖山上一層

小梅亦放白花

小梅欹斜牆東花  
瓣亦白而不肥

斗南吟草

卷三

五

小梅花亦早一朶雪中開似有催詩意破寒香送來

題夏錫小照

何處不神仙林泉養大年素書黃石授丹訣赤松傳  
世境空如此詩天妙自然風塵厭奔走思結買山緣

兩李歌

南李人多東李少兩李公塘澆稻草南李人多田亦  
多水車車水如懸河東李欲語無可語家少男兒多  
婦女婦女摸魚夜下塘橫堆沙石水中阻南李人多



初弗疑夜復夜兮堆成隄一隄未成三隄起五隄之水爲東李道光二十有七年南李紛紛訟於官塘長二里寬五丈賴此冠灌三百田何得公塘濬私水注茲有餘難挹彼大令嚴斥東李非檄委巡檢督銷毀吾時權篆永豐司弓刀兵馬如出師旌旂揜映十五里聲動山谷人奔馳東李悍婦猛于虎身伏長隄口稱古牽來老翁八十三隄始何年君問汝老翁耳聾目不明問之不應徒哀鳴叩頭伏地不能起上指青

斗南吟草

卷三

六

天泣鬼神予爲兩李慇懃勸鄰居和處須釋怨雖非

一脈亦同音祖父常規子孫變四姓初爲四姓公塘八日爲

一輪水車車水水均勻和氣成雲作霖雨田田積水

禾滋榮年成塘水轉無用網魚亦可爲公共兩家合

作一家人此隄不掘終爭訟廢時失業且形勞蠹役

需索尤喧嘈散盡黃金賣田宅兒孫無守惟逋逃兩

李男婦相向哭血淚成珠珠盈斛一人一鋤平一隄

一隄平矣五隄復西北之水流東南悠悠蜿蜒清如

潭歸來上書報大令從此民安官自閒

塘在鹽田保大礮頭兩李

固執訟  
五隄尚在

一將喜雪

風雪快登樓天花幻影稠冰紋皴水面絮帽戴山頭

凍萼紅千點寒菘綠一疇冬冬催賽鼓人語兆豐收

哭奧龍梁分司

如紀  
月十六日

驚傳凶耗信將疑病裏書來藥可醫最苦無兒餘弱

女更多癡妹又新姬誰歸雙榭埋鄉里聞說長圩議

斗南吟草

卷三

七

禴祠自是精靈在江上人間生死不須悲

鳳賓有女弟一誓不

嫁一病不起夫人歿於前年遺二女甚穉新納一妾

無出任奧龍六年督修江堤有功於民今議立祠以

之祀

季冬望後得壽光大兒承照書有年內北上之

語

一紙來壽光知兒將北去北去更依誰況茲歲云暮

丈夫立功名患得之不早早得早歸來山中讀書好

山中少是非山中有至樂寒燒松一枝渴飲泉一勺

人貴能守貧守貧人自貴斷無大英雄肯下窮途泪

臘月二十日紀夢詩

家計拙如何愁深夢轉訛夜來江上淚應比枕函多

祀竈

司命何曾入醉鄉冰厨無力祀黃羊虔誠自默吾家  
事惟有清貧誦 玉皇

得藕琴三女書並抄寄余之舊作一卷新繡枕

衣二件詩以誌之

斗南吟草

卷三

七

閒愁舊夢獨徘徊覓句多從枕上來解識官情惟少

女繡花詩草一函開

小除夕涉園偶成

臘雪綿綿逼歲闌圖消五九怯山寒春光乍轉無人

見菜甲紅開日一竿

除夕祭詩

前年祭詩貴池雪

乙巳差次池郡  
包公祠遇雪

包公一笑真奇絕

去年祭詩荻港舟

丙午差次繁昌  
縣荻港口舟中

江神大醉蛟龍愁

今我來茲越兩月白駒過隙年如客一冬風雪苦延

繇爆竹聲中又除夕心初曾憶遊維揚梅花明月平

山堂金陵沽酒采石煮夢其李白領壺觴炎夏勞勞

過淮北靈巖避暑無人識瑯琊山畔醉翁亭淋漓大

筆松煙墨穉風送客皖江濱逍遙一榻樅陽門三槐

王問莊嘯秋昆仲五柳陶承之結詩侶時相追逐幾忘貧捧檄

入山無所有長謠短句消寒九編年紀月自題籤心

血一腔酒一斗亥初三刻將立春盈門賀客襍弓兵

斗南吟草 卷三 九

牛腰大卷忽飛動靈光閃爍人皆驚賀客乞詩余不

可詩中有愁愁屬我我愁我愁客不愁客愁乃是知

音者一客忽來前問吾有詩可以無愁乎詩工而窮

愁莫解須卻煩熯學糊塗予退無言子裁暮清貧未

必因詩謬月月月月手手不不愁蓬蓬春遠詩何處

山 戊申立春題座右

吉日維戊異命以申人貫自立和神當春

元旦早朝恭紀七律一章

天顏咫尺敢云遙鼓聽三嚴肅早朝歡動萬山呼

萬歲光華元旦勝元宵恩蒙

闕北身難報春到江南澤自饒耆老隨班瞻

國瑞五雲望處喜相邀

天人日集唐人句

綻花開柳逐年新

唐太宗

沸地笙歌賽社神

唐寅

莫見繁

華祇如此

素韜玉

今朝方始覺成人

盧仝

鴛鴦四解

有鴛鴦集于樓下因爲此說

斗南吟草

卷三

辛

有鳥有鳥其名鴛鴦多心則怨反好爲殃

一解

多心則怨怨生必變鴛鴦鴛鴦相思不見

二解

反好爲殃爲殃不雙不雙必死不死斷腸

三解

一死不了兩死便好永遠同心人不如鳥

四解

聞雁憶大兄廣州三兄寶坻四兄長沙五兄武

昌七弟雲南八弟荊州十弟曹州

動是經年別南飛又北還失羣憐子美分影弔香山

書斷雲千里弓驚月一彎歸心應共切迢遞悵鄉關

臥梅孕兩月未花雨後有香

飽酣冬雪臥春風萬點丹砂一色紅酥潤快逢晴後  
雨暗香初破蕊珠宮

答和夏爾康原韻

交從冷市友兼師書讀岐黃字獻之良會常開金谷

酒家傳自寶綠牕詩

綠窗吟乃翁夏廷修所作

匏瓜笑我空中繫

棠樹留誰去後思不信謳歌容易起但期載道怨聲

遲

斗南吟草

卷三

三

正月十五日

團圓三五月當頭孤負春光一夕留香醉梅花支枕

睡膏騰騎鶴到揚州

去春元夜差次維揚

高梅甚開

藥欄西畔柳塘東獨聳高枝壓竹叢蝴蝶一團晴曬

雪鴛鴦雙結夜愁風芳魂已斷香能返春恨難銷色

轉空縱是騎驢尋不著美人家住超師雄

靜中偶得

一榻逍遙天地空  
安閒有法學癡聾  
輝煌燈燭迷心  
月雜沓笙歌過耳  
風紗境自然奇變  
幻化機不息總  
靈通百年三萬六  
千日莫把嬰兒笑  
乃翁

盆蘭

生怕梅花風信傳  
綠雲一朵報春先

蘭一莖一花  
俗名報春先靈

根亦被幽香誤  
蟠屈金盆不自然

春光

春光分駐在誰家  
檻外青山樹半遮  
滿地晴雲搏竹

斗南吟草

卷三

三

影一塘烟水護  
梅花何來痴燕尋  
殘墨漸有遊蜂到  
冷衙風雨關心  
天驟暖嫩紅初上  
牡丹芽

二月七日送寒

長至後一百  
八十一日

圖成九九已寒消  
青眼矍矍挂柳條  
忽有晚鶯訝細  
雨春光一半近花朝

幾日

幾日新晴幾日陰  
梅花如雪菜花金  
最含情是牆頭  
杏得得春風及第心

二月九日雷雨

一聲霹靂起祀蛇天地驅寒草木華奇絕籬陰新竹  
笋崢嶸頭角出泥沙

食鹿肉

鹿肉美于羊開樽味轉忘空餘千歲想何苦一生忙

芝草難為壽梅花不善藏孤山林處士猶自喚籬旁

讀前明孝廉閻古古詩

爾梅字用卿號古古有  
白奪山人全集與杜茶

輻藥亭屈翁山  
陳元孝為五名家

斗南吟草

卷三

五

三百年存古沛閣品高詩律更精嚴何年磨劍刊碑

字白奪山人明孝廉

江陰沙定峯樂府

張白原  
名一卿

事發千百年案翻廿一史樂府即春秋能生死人死

夜巡雜詠

市冷人眠早家家暮掩門雲低雙屐濕風閃一燈昏

落葉鴉驚樹穿花犬吠村小橋東去路春漲失山根

水陸交江右弓兵鎮上關星光分六斗人語雜諸蠻



禁店含煙宿湖舫載月還崎嶇皆熟徑不放一宵閒  
過嶺時防虎遊潭忽見龍破窰明夜火古寺響晨鐘  
怪石如人立清溪每自春山靈應笑我無定是行蹤  
奴懶已先睡官貧時苦饑上書多費紙沽酒典無衣  
春暖催風雨民和了是非儻周知有意爲語不如歸  
臥梅花爲風雨摧落滿塘詩以弔之

無端風雨妒梅粧一瓣花飛一瓣香不媚東皇讓桃

李甘心零落冷池塘

斗南吟草

卷三

五

二月十四日社

輕寒宵作雨驟暖午生風祈賽家家酒扶歸幾醉翁

花朝

提壺鳥賀百花生巧轉歌喉不讓鶯醉得春容如中  
酒剪刀風裏逗紅情

畫眉鳥

不許十眉入畫圖風流時樣鳥能模度來小曲調嬰  
母別有深情寄步姑妒伴似爭京兆筆催妝先到卓

君鑑春山無數青青柳牢落雕籠尙自呼

寄承照大兒京都

可向橋東覓做廬舊時門第近何如蘭臺寺有先人  
塚夜守松楸好讀書

爲愁衣食計周章欲以饑寒託涓陽

謂劉寬夫侍御

我愧雙

環無處覓至今不敢索檳榔

一領青衿不救貧寒窗可勸十年人近來年少多歧

路繼起科名望汝身

斗南吟草

卷三

五

九十春光已半過柳絲花片奈愁何思兒不覺家山

遠夢裏騰空馬渡河

勸示上鄉百姓四則

讀書則六義所重在君親莫以科名事而爲章句人

至誠能贊化不孝豈忠臣岐路迷黃老空談隔世因

謹闕

風化始于此齊家先正身祖宗遺一脉兒女戒重姻

善處唯兄弟陰謀避婦人更宜防婢僕遊戲惱芳鄰  
戒賭

得失原無定窮人每自窮英雄多氣阻機巧不心同  
趙氏連城在咸陽一炬空翠雲如果禱其奈狄梁公

息訟

萬事莫如和平方氣自過泰山容土壤滄海任風波  
一紙難收復千金散幾多從來爭勝負無罪亦蹉跎

題夏爾康畫幅

斗南吟草

卷三

三

流水高山一曲琴牙能有幾知音往來橋畔人多  
少不是鍾期不寫心

惜梅

一塘春水落梅香鳥啄魚吞日日忙我爲惜花倍惆  
悵幾回避月轉西廊

得家書二月十五日五兒承貢生

春信傳來乍有情百花生日又兒生吾家不必愁科

第預兆燕山第五名

時二兒承宣肄業敬敷書院  
蒙王中丞甄別取第五名

垂絲海棠

開過梅花又海棠十分春色暈紅妝東風有意牽楊柳欲與垂絲較短長

思新茶寄丁寶年少尉

金銘

已是清明三月天竹爐新火沸蘭泉玉峯高壓蒙山頂自有雲腴截雨前

桃李並開

頻番花信試寒溫雨雨風風酒一罇怪我詩情動春

斗南吟草

卷二

七

色一時桃李笑盈門

換瓶花

一枝齊整一枝斜水浴銅瓶又換花偏有游蜂尋得著細鬻折破碧窗紗

寄陶琢之蕪湖

漿打雙飛燕春風吹綠波之官緣不偶此夫意如何關月閒中對江天醉後歌夢無夜起織女隔銀河

古意

一樹花開不同色一溪水流無定音水流花開且如  
此况彼人心與我心

小院

小院靜無譁春陰綠半遮點頭風動竹當面雨開花  
石隱山容改池深水量加苔衣綠桂樹新樣一袈裟  
曉窗偶成

爲愛山光做畫屏曉寒雲氣入霏微團團翠擁松翻

蓋楚楚三桂魚蝴蝶怯風三月瘦鶉鴝啼雨一

斗南吟草

卷二

五

犁肥籟聲何處吹楊柳昨夜湖船載客歸

發原二日

真之奇何日雨昭潭席上賦贈

風雨梁山夢見難一樽冬醞話春心庖人似厭花豬  
肉紫筍紅椿薦滿盤

風雨

春寒多雨暖多風花事關心怕滋社乞取輕陰雲一  
片半遮風雨半簾籠

謝李子潔

廉

惠筭兼寄文傷孝廉

少瀛

過江時渴竹林賢醫俗何因得此緣一度春風三五

月兩家詩話借燈傳

文僂以燈火結緣並出示成材茂才棉花和韻

一官無味自閒閒檣櫟難聯玉笋班卻羨此君多雅

子崢嶸頭角出深山

月下

半天雲影半天晴片月如飛許復明花解護心曾夜  
谷竹持高節自風清

謝夏爾惠金石古印

斗南吟草

卷三

无

一人一心一物一音音不同兮石與金心不同兮故  
與新願君心與我心兮如金石之不朽不爛自古至

今

咏紫牡丹

春暖貴客來尊榮衣金紫相對兩言忙忙朝天子

朝天紫牡丹花名其色正紫如金紫大夫之服色後以爲曲名易紫作子見陸游牡丹譜

試茗

紫黥一枝松葉火煖烟裊裊花枝韜陸仙不復在人

問欲讀茶經誰課我

望陳香圃

廷桂

不至

書來日日唱江南  
花落嗁鶯葉養蠶  
滿地綠陰人不  
到幾回惆悵月春三

自題斗南詩窟

詩人謫斗南有言藏于窟窟中只有詩萬古人無掘  
山鬼爲護持山神尤愛惜中夜發靈光明明大如月

午晴

斗南吟草

卷三

三

早雨初收午又晴  
小窗花影倍分明  
畫眉亦解春光  
好宛轉哥喉不住聲

再題詩窟

詩窟本無詩情深夢亦知何妨天小有畢竟地相宜  
明月梅花朵春風楊柳枝閒愁填滿壁一字一相思  
予到此一百五十日行將歸矣徘徊庭外偶有

所託于後之來者詩以代柬

一語期來者閒庭畫掩門  
蘭培佳子弟笋護小兒孫

池滿魚能躍林深鳥自言莫嫌梅獨臥傲骨性存

人月二十七日回部軍門署口占

人不忘危不苟安自然食了飢寒守貧始覺居官  
苦謁貴方知作客難兒女情多身外累詩書味是夢  
中歡何當授受仙人術九轉還成一粒丹

花事將闌惟餘綉毬木香二種

春老花開盡白頭東風無情吹殘圓一夢人誰

覺拋卻年光是綉毬

平南吟

卷三

三

捧檄赴君雨後留壁

三月十二日

一抹紅雨送行程衣撲楊花放晚晴去路不嫌山更

遠

秧針

春雨平田水不深尖尖倒插秧不無人間何處容天

巧一幅雲羅一寸心

三月二十七日回昭潭司署口占

喚渡堯城去復來關心近水好樓臺倚欄細數新荷



葉大小青錢二八詞

閒庭

灑掃閒庭酒一杯東風吹我去仍回拾將桑葚驚蠶  
老開到桐花有 感來山欲送春愁暮雨天催初夏試  
輕雷亦知再 無多日菊乞 回家手自栽

初夏卽事

莫惜春光去太忽籬陰分綠暈窗紅不多時霽槐花  
雨別樣秋寒麥信風雛燕欲飛仍戀母痴竈無語敢  
斗南吟草 卷三 三

忘公又開詩境來初夏酒憶新荷試碧簫

四月七日見榴花

風花纔一春愁又見紅裙妬石榴未必珊瑚如此  
世無 疎網亦難收

卽景

小滿後一日作

律轉蕤賓化不窮時將新巧驗天工萍絲一雨池心  
綠榴豔斜陽屋角紅泥滑滑嘯竹外烏木丁丁柳  
陰蟲分袂到處歌聲起笑語中含樂歲風

寄賀鄭甥吉甫

福申

入贅皖陽

爲陶琢之婿  
四月廿一日

江上乘祀客已仙赤繩我繫十三年含飴早慰高堂  
樂書帶從今妙有傳

五柳先生愛女癡經營甥館動遐思康成莫作泥中

婢好詠關雎第一詩

時陶琢之  
差次鳩茲

夏爾康以予將瓜代預作送行詩讀之感謝

無心雲去也關情三疊新腔早送行笑我半年無好

處待收佳句出山城

斗南吟草

卷三

七

雨後陳香圃約赴園外看水

排青埜樹雲中出飛白山泉雨後來未了與君緣不

俗雲泉洗眼第三回

睡冷

睡冷山堂夢書裙客不來風薰先醉竹雨膏欲調梅

補網輸蛛巧狂歌愛鳥才一盃清有味泉瀉茗旂開

將卸永豐率成七律四章

錄四首  
之一

容易光陰已及瓜守株孤負好年華因公遇事披肝

瞻餘論何人惜齒牙官在林泉非吏隱地無名勝占  
詩家秋風似覺吹來早爲餞行行放桂花

寄陶五琢之兼示鄭大

十三年後壻招來一領青衿小秀才霧裏看花君有  
眼要知紅葉是良媒

數聯詩寄鄭康成爲語春眠莫打鶯早得草堂書帶  
子玉分一片潤冰清

留別官舍

斗南吟草

卷三

五

分得河陽縣裏花半栽泉石半烟霞而今開落憑誰  
管雨雨風風夢轉賒

一榻雲山臥半年蕭然無事小神仙樓頭是我狂吟  
處爲卜重來或有緣

慚愧詩名衆口香粗官未免誤巡防民貧卻解官非  
懶怕擾田家飼鶴糧

客中送客夏先生預譜驪駒隔月成不卜晴明祝風  
雨笛枝吹處有深情

夏爾康以集中句多復古用是解嘲

我生古人後古詩先我詩前不見古人何以詩全之  
遙遙千百年安知非我詞黃金隔世種故物還何遲  
古人有言曰路不可拾遺

留別諸友並謝詩畫

不留詩去豈人情況有聯吟送我行話到別離難下  
筆陽關疊過第三聲

我是龍眠一片雲大江南北任續紛無心偶臥寒山

斗南吟草

卷三

三

裏依舊乘風幻錦雲

尙有今生未了因果然返棹問江津天台自熟劉郎  
路再訪桃花見美人

歸哉我復說歸哉算不空回此去來一卷新詩三幅  
畫明珠薏苡漫相猜

薔薇

苦口言歸卻未歸尙餘春色看薔薇晚花不借東風

力自有金鈴勸鳥飛

螢火

中夜月無光螢火飛過牆過牆風動竹綠影散新涼  
望安慶家書不至

望斷長江雙鯉魚夜深無夢到山居燈花檣鵲難憑  
信懊惱重看午日書

得家書並讀蕪湖陶琢之詩仍用原韻

書來一笑愈頭風晴影烘窗透紙紅出岫雲歸遲野  
外隔江月滿冷閨中何人縮地緣常好有客當關氣

斗南吟草

卷三

五

不雄

琢之詩  
多牢騷

十頃新蓮開並蒂如今花樣可相同

揖梅

揖別寒花笑我癡半年高臥汝同肯逢春不必先桃  
李妬煞東風第一枝

述懷

林鳥不知暑山蟲不候秋一物不微耳何以身善謀  
吾乃丈夫子勞勞無定止泰華衡心山江淮河漢水  
山水雖飽觀身閒心始安兄弟苦離別妻子號飢寒

骨肉不得地空門樞浮寄躋哉孝弟恣時下傷心淚  
一官江之南守箴羞貪婪詩酒不得意爲樂吾何堪  
爲樂在何日此生心事畢松楸高插天芝蘭香滿室  
女嫁壻同心兒教孫苦吟我亦學蟲鳥朝暮幽山林

和夏爾康韻

滿壁塗鴉粉作箋羈人將去袂飄翩甘瓜有種遺今  
日苦葉憐匏繫隔年百道泉聲清夢枕四圍山色緩  
吟鞭酒杯連夜曹騰醉再遣離愁句好聯

斗南吟草

卷三

三七

再致諸友

宦橐蕭然一杖輕尋山問水數行程談深肺腑連宵  
雨愁結須眉向晚晴無可奈何花影影不如歸去鳥  
聲聲明朝獨喚堯城渡雲樹蒼茫渭北情

風折柳

六月三日

風雨深山話別離愁燈黯黯夜何其誰家玉笛吹楊  
柳初斷長亭第一枝

出山喜晴

六月四日

雲幻一天霞塵清路半沙青囊肥豆莢紅粉曬荷花  
山靜空樵斧溪喧會浣紗堯城何處渡古樹夕陽斜  
六月六日雨夜留別丁寶年

不忍渡江去入城談一宵杯殘風雨歇船繫化龍橋  
舟出江口

一帆涼雨破溪烟小倚蓬窗意若仙行盡湖山波浪  
湧茫茫雲水接江天

六月七日到省

時寓雙蓮寺西首

美

觸熱歸來六月天一家依舊寄雙蓮親朋僦屋逢時  
雨兒女牽衣語去年甕有餘香存臘酒旗開新茗憶  
山泉安排筆硯抄詩句半載風情賴此傳

題映潭和尚蘭竹畫扇

竹葉不煩千萬箇蘭花只放兩三莖儵然自出風塵  
外畫到禪家妙有情

題畫

開到黃花色漸空蠶寒蝶夢冷西風畫家不許秋容

淡爲補霜林數點紅

斗南吟草

卷三

三



斗南吟草





